



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 6. Crux victoriosa Christo, & nobis. Ex Vet. Patribus, & aliis.

[urn:nbn:de:hbz:466:1-79340](https://nbn-resolving.org/urn:nbn:de:hbz:466:1-79340)

Memento mei, cum veneris in regnum tuum. Luc. 23. 42. Da mihi regnum, commemoras: quid enim regni vides? clavi, & crux est, quod inspicis. Sed ipse, crux, inquit, regnum est; & ideo eum regem nomino; quia Crucifixum inspicio. Imperatorum est, pro omnibus mori, & regis optimi pro communi utilitate nunquam reculare supplicium. S. Chrysostomus. f. de Cruce & latr.

Ex Patribus.

Crux regni sceptrum, diadema pulchritudinis, virga potentiae. S. Andreas Cret. or. in exalt. S. Cruc.

Principatus Domini, & regnum, Crux est. Est bene animadverteris; invenies non aliter regnare in nobis Jesum, nisi per afflictionem. Theophylactus in Luc. c. 23.

S. Laurentius Just. vocat Crucem Ducis nostri gloriosissimum vexillum. in Exalt. S. Cruc.

Non à Nazareis præcipitari, non à Ierosolymitis lapidari, non ab Herode perimi; non aliâ voluit morte consummari; sed Crucis expectare voluit triumphum. Ipsa enim est typus Monarchiæ singularis; *ut in nomine Jesu omne genua flectantur*, Philipp. 2. 10. Et hoc est, quod cacumina Crucis caelos ostendunt, ima petunt inferos, cornua terram tegunt. S. Bonaventura. in Luc. 4.

Crux Regnum Patris, Sceptrum Filij, sigillum Spiritus Sancti, totius est testimonium Trinitatis. S. Rupert. lib. 6. c. 21.

§. IV.

Crux gloria Christi.

Moyses & Elias, cum eo loquentes. Matth. 17. 3. Præter tres causas transfigurationis Christi, & adfectorum Moyses, & Elias, hanc quartam ponit: ut crucis gloriam ostendat; & tam Petrum, quam reliquos, qui passionem formidabant, consolaretur, & ad sublimius erigeret. Non enim tacebant; sed loquebantur de gloria, quam completurus erat in Ierusalem: de Cruce videlicet, & Passione; Sic enim ipsam semper appellabant. S. Chrysostomus. in Matth. hom. 57. Loquebantur de excessu, Euthym. loquebantur de cruce, Alij. loquebantur de gloria. Crux enim, quæ aliis probrum, Christo gloria fuit. Quis enim non glorificet Christum, qui pro nobis voluit Crucifigi? Escob. t. 1. mir. Chr. l. 12. sect. 1. Obs. 1.

Ita exaltari oportet Filium hominis. Jo. 3. 14. Cur Christus D. Crucifixionem suam, non suspendium, sed exaltationem, vocat? S. Anastasius Sinaita l. 4. de rectis fid. dogm. *data est mihi omnis potestas in caelo, & in terra.* Matth. 28. 18. Acti manifestè diceret: auctorem gloriæ istius Crucem esse. Sylv. hic 9. 36.

Nondum erat Spiritus datus, quia Jesus nondum erat glorificatus. Joan. 7. 39. Quoniam nondum fuerat crucifixus, non erat Spiritus S. hominibus datus. Illud quippe glorificatus, idem valet, - quod Crucifixus. Nam

etiam res est naturâ suâ ignominiosa: quia tamen eorum causâ fiebat, quos amabat; gloriam illam Christus appellat. Sanct. Chrysostomus. tom. 6. or. de S. Pent.

Ex Patribus.

Crux inter omnia maxima gloria Christi est. Theophylactus in Luc. 22.

Crux trophæum contra daemones erectum, gladius contra peccatum. Crux Patris voluntas, Unigeniti gloria, spiritus exultatio; angelorum decus. S. Chrysostomus. tom. 6. or. in Crucem Domini.

O ineffabilis potentia Crucis! ô admirabilis gloria Passionis! in qua, & tribunal Domini, & iudicium Mundi, & potestas est Crucifixi. S. Leo l. 8. de Pass.

Crux gloria tua est, crux imperium tuum est super humerum tuum. Portas portantem te: qui portat Crucem tuam, portat gloriam tuam; qui portat gloriam tuam, portat te: portantem autem te portas super humerum tuum. Drego Ost. de triumph.

§. V.

Ex Cruce nota Divinitas Christi.

Tu es Christus. Marci 8. 31. Ubi Petrus Christum Filium Dei confessus, coepit eos docere, quoniam oportet Filium hominis multa pati. Victor Antiochen: posteaquam Divinitatis suæ sensum illis impressit, doctrinam de Cruce, & passione, mox subjunxit. Ut scilicet facilius ejus Divinitas crederetur; nec absq; Cruce volebat Deus prædicari. de Castillo llat. 243.

Plenitudo fidei, Crux Domini. S. Ambr. in Luc. 6.

§. VI.

Crux victoriosa Christo, & nobis.

Ex Scriptura.

Surge, Domine, & dissipentur inimici tui &c. Num. 10. 35. dicebat Moyses, cum arca foederis elevaretur. Cum autem deponeretur, agebat: *revertere Domine ad multitudinem exercitus Israel.* v. 36. Ità etiam, cum Christus D. cujus imaginem arca illa ferebat, elevatus est in Crucem, ad pugnandum contra hostes suos, dictum est illi per Prophetas: surge Domine, & virtute tuâ cuncti tui hostes dissipentur. Postquam autem corpus descendit in speluncam, & anima in limbum; clamabat sponsa: *revertere Domine ad multitudinem exercitus Israel*, de Ponte in Cant. 2. Exh. 39. §. 1.

Tulit Jabel clavum. Judic. 4. 21. Infracla, & invicta arma; in quibus Ecclesia Dei conterit, & aufert caput serpentis; Crux est Jesu. Anastas. Sinaita l. 12. hexam.

Tulit unum lapidem. 1. Reg. 17. 49. jecit, inimicum in fronte percussit; cecidit eo loco corporis, ubi signum Christi non habuit. S. Aug. in Ps. 143.

Fff 3

Feci,

Fecit potentiam in brachio suo. Luc. 1. 51. in cruce extento: quia diabolus superavit, captivos de Inferno liberavit, & Electos omnes ad superna levavit. Hugo Cardin. hic.

Ex Patribus, & aliis.

S. Polycarpus M. Smyrnenf. Ep. discipulus S. Jo. Ev. epistolâ ad Philipenses: vincula MM. vocat decora, & coronas electas.

Cruce Domini armatura vestra invicta contra Sathanam; galea custodiens caput, lorica protegens pectus; clypeus tela maligni repellens &c. S. Martialis ad Burdegaleses ep. 1.

Scit exercitatus mens, quos, ad prælium consummandum, sibi adhibeat; quibus armis instrueret; quibus ducat vexillis. Non aquilarum profert imagines, nec dracones; sed in Cruce Christi, & in Jesu nomine progreditur ad prælium: hoc signum fortis, hoc vexillum fidelis. S. Ambr. l. 2. de Abrah. c. 7.

Vicit Christus orbem terrarum, subiecit omnes potestates, subjugavit Reges; non superbo milite, sed irrita Cruce; non favens ferro, sed pendens ligno. S. August. l. 63. de divers.

Christus de Cruce sua vicit Reges; & subjugatis illis, ipsam Crucem in fronte fixit: & gloriantur de illa; quia ibi est salus eorum. S. Aug. in Pl. 95.

Tripartita ratio Dominice Passionis ostenditur. Prima causa est: ut Christus, pro reatu Mundi, redemptio daretur; & hostis antiquus velut hamo Crucis caperetur. Secunda est, ut secuturis hominibus magisterium vite præberetur. Tertia, ut superbia sæculi, & inflata sapientia, per Crucis stultam, ut putatur, prædicationem humilitata corruerent. Sancti. Ild. de Matutinis l. 1. c. 29.

Cruce, Principum honor, Regum potentia, belli -- ducum victoria. Miraculorum nobis factorum coronis. S. Andreas Cret. or. in exalt. S. Cruc.

Hæc clypeus, atque armatura, & trophæum est, adversus diabolum. S. Jo. Damasc. l. 3. c. 12.

Rex coeli homini militavit; militavit dixit: Cruce enim pugnantem indicat. Euseb. Emis. hom. de S. Latrone.

Cruce signum Fidelium, & timor damonum. Triumphavit enim de illis in hoc signo. Ostenta illud audacter: quando enim viderint Crucem, recordantur Crucifixi. Metuunt eum, qui contrivit capita draconis. S. Cyrill. Jer. Catech. 13.

Non est aliqua armatura tam fortis; nec sagitta tam acuta, & terribilis, contra diaboli potentiam, & favitiam; quam sic timet, sicut signum S. Crucis. Thom. Kemp. p. 3. f. 1.

Constantinus M. Byzantinos non felici prælio aggressus, fatigatus, ac marens, ex acie redijt. Jamque dies in noctem ibat; cum dubius, quid ageret, obtutu assiduò coelum suspexit. Et en auxiliare prodigium! in precibus scripturam è stellis observat in hæc verba signatam: *In voca*

me in die tribulationis; & eruam te, & honorificabis me. Pl. 49. 15. Ad omen tam sublime initio nonnihil expavit Cæsar; sed mox lætior oculis eadem viâ remisit ad cælos, ubi alterum vidit ostentum, expressam è stellis Crucem; & circum eam hæc omnino verba: *In hoc signo vinces.* Nicephor. l. 7. c. 59.

§. VII.

Cruce amata, & honorata à Christo.

Pone me, ut signaculum super cor tuum. Cant. 8.6. Signaculum idem est, quod stigma, & signum: quale servis suis herus imprimit &c. ut ex eis liqueat, sua esse. Sic Apoc. 7. 3. omnes Electi signantur signo Crucis. Christus ergo sic sponsa imprimit suum stigma Crucis; ut ex eo liqueat, eos esse servos Christi Crucifixi. Aponius apud Corn. hic. Putant nonnulli, telle Salmerone in c. 24. Matth. 30. Cruce, quasi testera, & trophæo, in frontibus insigniendos omnes Beatos in cælo: ut significetur, eos merito Crucis, tam Christi, quam suæ, cælum possidere. Corn. in Ezech. 9. Christus velut sigillum obsignat, & custodit, Fideles suos contra omnes tentationes, & hostes. Porro Christi sigillum est Cruce, juxta Ezech. 9. 4. *Signa Thau super frontes virorum gementium.* Et Apoc. 7. 2. *Vidi alterum angelum habentem signum Dei vivi.* Cruce enim nos munus contra omnes illecebras Carnis, Mundi, & diaboli; facitque nos esse asceclas, milites, & Martyres Crucifixi. Corn. in Aggæum.

Parvulus natus est nobis, & filius datus est nobis; cujus imperium super humerum ejus. Il. 9. 6. Crucem, quam imperii nominæ significavit, natiuitati statim adiunxit: quia profecto à Natiuitatis exordio Passio Crucis simul exorta est. S. Bernard. tr. de Pass. D. c. 36. O quanta charitas! o quanta commendatio charitatis! Vix natus est, cæli gloria, cæli Divitiæ, cæli delicia; & ecce recenti ortui Crucis ignominia, Crucis dolor, Crucis paupertas, copulatur. Sed redemit miseriam Crucis Imperij nomen verum. Cruce etenim totum Mundum simul, & inferos subjugavit, qui regnavit à ligno fortis Jesus. S. Bern. tr. de Pass. D. f. 30.

Signaculum regum Cruce est: quam si in cordis nostri memoria portaverimus; tanti regionem Regis, quæ finem non habet, securè poterimus transire. Habet hoc sigillum imaginem Crucifixi Jesu, in ipso sigillo Crucis multis fissuris effossam, & expressam; sicut in sigillis imaginum exprimitur fodiendo. Habet & superscriptionem, titulum à Pilato conscriptum: J. N. R. J. Sancti. Bernard. tr. de Pass. D. cap. 44.

Magna res est signum Christi, & Cruce Christi: & ideo de isto tam pretioso signaculo res magna, & pretiosa, signari debet. Quid enim prodest, si de annulo aureo sigillum facias, & putridas paleas intus recondas? Quid prodest, si signum Christi in fronte, in ore, gestamus; & intus in animo crimina, & peccata, recondimus? S. Aug. l. 115. de temp.